

هاني العباسي

على جناح الحلم

أشعار

الطبعة الأولى مارس 2018

بطاقة الكتاب

عنوان المؤلف : على جناح الحلم
المؤلف : هاني العباسي
التصنيف : أشعار
رقم الإيداع : 2018 - 7269
عدد الصفحات : 98 صفحة
رقم الإصدار الداخلي: 161
تاريخ الإصدار الداخلي: الطبعة الأولى (مارس) 2018
الإخراج الفني: دار النيل والفرات للنشر والتوزيع (فرع المنيا)

جميع حقوق الطبع والنشر محفوظة للشاعر، ولا يحق لأى دار نشر
طبع ونشر وتوزيع الكتاب الا بموافقة كتابية وموثقة من الشاعر

دار النيل والفرات للنشر والتوزيع

سجل تجارى : 13242
بطاقة ضريبية : 165-5-00031-572-01-35
رقم التسجيل : 2017-7 544-662-202

E-mail: alnile waalforat@yahoo.com
twitter: النيل والفرات
youtube: alnile waalforat@yahoo.com
facebook: alnile wa alforat

هاتف : 01011256943 - 01116202218 - 01202541192

الشرقية - العاشر من رمضان - مجاورة ١٣ - عقار ٣٠٤ - الدور الثانى - أمام سنتر ١٣



علي جناح الحلم

أشعار

بالعامة المصرية

هاني العباسي

إهداء

إلي كل

من صادفني في رحلة الحياة فتعلمت منه

إلي كل الحالمين وكل من لم استطع أن أكون سببا

في سعادتهم ---- ربما كان الظروف هي التي منعتني

فلم أكن بهذه القسوة التي اضطرت كثيرا أن ألبس
عبائها علي وجهي

هاني

الليل

الليل بيغسل عتمته في دمع الندي

والفجر قام تضحك عينيه

طبّط علي الكون بالرضا

ومحاوط الدنيا بأيديه

في الأصل كان المبتدى

حفنة حروف

والشمس طالعه في الميعاد

وجبينها بيداري الخجل

من جمر شوقها والقبل

حمرتها بتداري الكسوف

مدت شعاعها دفا ونور
وعينيها ذاد
يا كلمة متعبيه خوف
متشعبطة في حلق الحروف
وخايفة من كرباج غشيم
عمره ما فرق بين وجع
وبين سهام مليانة شوك
غدار بيدبح في الكفوف
قلب البنية أمانة
إوعي تضيعه
ولا ترهنه دا الريح عنيد
والمد والجزر بحالات
ساعات معاك

وساعات يحبوا يهمنوا
ساعات عواصف وحكايات
وهدوء ساعات
و آخر النهار
الكون بيشرّب من كيعان الخلق
أنانية وعكار
والعتمّة زاحفة متبّنة
ف قلب النهار
والحلم بيعافر في صخر القهر
ومرار الانكسار
ياليل بيدبح عتمته
ولا له صدي
الفجر لاح

جاي من بعيد تضحك عينيه

كحل عيون الحب بالشوق

والرضا

طوحنا فوق

ودينا ابعده من سحاب

ابعد مدار

أنا مش نبي

عمري ما قلت إني يسوع
ولا ادعيت إني النبي
علشان يكون لي معجزات
انا عقلي كافر بالسككات
دي الضلعة بتغمي العيون
وتسد كـهـف الأمنيات
أنا من زمان تبّت فـ الحـلم،
اللي مـات
لما الملايكة يطبطبو بالمعجزات
كانت البراءة في اشارة م الصبي

رغم المواجه والأهـات

لا الطير هياكل جبہتی

ولا ايديك هاتطول قميصي

أنا مش شيطان ومش نبي

الحب والشوق مذهب

إوعي العلامة تغركم في جبهتي

علي قد حالي

أنا يا دوووب

بارسم خطاوي سکتی

وساعات كثير

يتكعبل الحلم فـ عيوني

وارجع أعافرف النهار

وامسك بـمُجَداف الأمل

واســــــــــــــــحب بنور الحلم
دفة مــــــــــــــــركبي
أنا باكره العــــــــــــــــتمة
اللي حابــــــــــــــــسة الذكريات
ومغششة عــــــــــــــــيون البنات
وطامسة لون الفرحة بضباب الأهات
أنا رسول الحب من غير معجزات
ولا مرة كان عاشق غــــــــــــــــبي
من غير ما حد يســــــــــــــــب
أو يلــــــــــــــــعن جدودي
مستني يعقوب لما ريحتي توصله
يشــــــــــــــــم القميص
مغاطش تاتي ف الطــــــــــــــــريق

وارسم عـلى العتمة حدودي

ارجع اشوف هـاجر

ف عين المـحرومين

لما الملاك بشرها بقدوم الصـبي

أنا مش شيـــــــــطان

وان كنت باتشوطن ساعـــــــــات

واسهر اغازل عبلة ف عنين البنات

واشوفــــــــني فارس كل جيل

واغزل نــــــــجوم الليل امان

وارميــــــــها ع الأوجاع تبات

أنا مطــــــــلبي

أحلم بلقمة عيش طري

متغمسة بالشهد في إيدين شقائين

و مانيش غبــــــــــــــــي
إن يوم لعنت أم الخنوع طول السنين
إن يوم كفرت بــــــــــــــــصوت
خدع في المــــــــجروحين
بين الملايكة المزعمــــــــــــــــين
وبين وــــــــــــــــين
بتضيع بــــــــــــــــشارات النبي
عمري ما قلت إني يــــــــــــــــسوع
ولا ادعيت اني نــــــــــــــــبي
عمري ما حببت الــــــــــــــــسكوت
لكن مسير الليل يــــــــــــــــفوت
وبكرة يحــــــــــــــــملني تابوت
بس الوطن مش راح يــــــــــــــــموت

كل المحبة مسطرة ف قلبي بيوت
فدان أمل طـــــارح أمان
مــــــــــــات النبي
وعاشت الرسالة جـــــــــــــوا
أحضان الملايكة من البشر
واتعلم النــــــــــــسيان يموت
نفسى يا نــــــــــــاس أفضل كذا
إبليس ف لـــــــــحظة ماتخلونيش
وساعات تــــــــــخلوني النبي
عمــــــــري ما كان لي معجزات
علشان اقول اني المسيحــــــــح
و مافيش نبى بــــــــعد النبي

فدان أمل طـارج أمان

مات النبي

وعاشت الرسالة جـ

أحضان الملايكة من البشر

واتعلم النسيان يموت

نَفْسِي يَا نَفْسِ اسْ أَفْضَلُ كَدَا

إبليس ف لحظة ماتخلونيش

وساعات تـخلوني النبي

عمري ما كان لي معجزات

عَلشان اقول اني المسيح

و مافیش نبی بعد النبی

انا عيــــــــــــون
ولو بانـت ف عز النور مغميـــــــــــــة
باشــــــــــــــــوف بالروح
وارسم ضحكة ع الأوجاع
وأنا مدبوح
واعمل روي مش فاهم
واكتم صرختي والبوح
صــــــــــــــــوان الذكر
مليــــــــــــان بالعسس والخوف
عيون فاتح مخالباها علي روحنــــــــــــــــا
بتهنش في حشا روحنــــــــــــــــا
وان كشرنا أو بوحنــــــــــــــــا
أو حزنت ملامحنا

ولو بانّت ف عز النور مغميّة

باششوف بالروح

وارسم ضحكة ع الأوجاع

وأنا مديوح

واعمَل رُوحِي مَش فَاهِم

واكتم صـرختي والبوح

صوان الذكر

مليان بالعسس والخوف

عيون فاتح مخالبها علي روحنا

بتھنش فی حشا روح_____نا

وان کشرنا أو بوحنا

أَوْ حَزَنْتَ مَلَامَحْنَا

يطارد الخوف مطارحنا
 ومنتزاحم علي دورنا في طـابور العيش
 أنا ذنبي كـتاب مش كفر أو إلحاد
 مش ذنبي بان عقولكو محشية
 تراب و رماد
 وأرواحكم بيحكمها حجر صوان
 بقلب جماد
 مافيش عصمة هاصدقها لاي بشر
 أنا عقلي بتخريفكم بيعانها
 بانه كفر
 ودنيتكم ماهيش جنة
 ولا مالك كدا طوعكم
 عشي يرمي اللي يعصـيكم ف بطن سقر

مانيش مـ_____بول

ولا كافر ولا درويش

ومش بانكر

باني نبش_____ت ع الفكرة

ف قلب الليل

بين الخف_____افيش

محطة الأيام

علي رصيف الروح
ف محطة الأحلام
تيجي بشر وتروح
ما بين وصول وسفر
وناس يادوف أطياف
زي السحاب بتمر
عمري ما كنت بخاف
غير قسوة الأيام
لَمَّا بَتَّعَافِي
وتطول المسافات

وسفر يجر سـفر
عمري اللي مات مدبوح
ما بين عتاب وملام
كان نفسوا مرة يبوح
ويعافر التـيـار
يا بحر ماله قرار
كل الحياة مشـاوير
وما بين محطاتها
يا دوب سحاب بيمر
نحسبها إحنا جبال
ما تهزهاش الريح
يا برد ماله معاد
واحنا لا نوم ولا ذاد

ووداع ف اخره وداع
وسفر نهايته سفر
علي رصيف الروح
ف محطة الأوهام
ركاب ورا ركاب
ما بين مسا وصباح
أحلاااام أمل بتفوح
تتبعثر الأيام
علي سفوح الاوهام
في بوسطة التايهين
كتبت للأيام
ميتا الهموم تنزاح؟
ولا وصلني ردود

دايما قطار السعد
بيجيني متأخر
يا ابني حداك الموج
اركب سفينة نوح
مفيش جبال تقدر
دي العصمة مش لبشر
جوا رصيف بيلوح
ستر الغرام مفضوح
ولا حد جايلو منام
ما بين حنين وفراق
ماسك الزمن بجناح
وجناح وحيد مكسور
ف الرحلة بيعاااافر

علي جبين الايام
ترحال وراه ترحال
وسفر بيسـتـناه
والقطر بيسـفـر
علي جبين الاحلام
ف محطة الاشواق
تيجي قلوب وتروح
ما بين وداءاع وسفر

يا ليل

صعبان عيك ——— الينا يا ليل
بامارة ايه؟ وانت ط——ويل
ومخبي ق——سوة ف عتمتك
حالف علي نجومك تبان كدا من بعيد
ومكلبش الوحدة ب——هدوء
بتتوه قل——وبنا ف .. زحمتك
بامارة اية؟ فرح——ان يا ليل
ودموع ن——هارك ت——نتحر
وقت ال——غ——روب

وقلوبنا مش قادرة تتوب
وتشوف طريق غيير سكتك
غدار يا لــــــيل ع المجروحين
والمحرومين ولي القــــدر
جابهـم هنا يستنــــو وضي في عتمتك
وصايا المصطبة

أول دروس المصــــطبة
خليك جدع أيــــاك تخون
دا العلم مش ف الكــــراسات
والعــــيشة مش بالطبـطبة
ولا بالخيال ولا بالســــكات
ولا عدش فــــيها معجزات
واللــــي يعيش بين البنين

من غير وفـا دائما يهون

تاني الدروس العـفة زاد

ما فيش لهب من غير رماد

الجبر مش كـام س وصاد

تجبر قـوب

ترسم دوايرع الـدروب

ومثلثات

والهندسة إن الرصاص ع الجرح داس

عمر النتائج ماشية طوع المعطيات

ياسين بطل

الشمس جنـبه تبقي ضل

وبهية مش لاقية حبيب

ولا عارفة خل

في إيد زيتون

و إيد بتضغط ع الزناد

تالت الدروس كانت جـــــــــواب

معلومة ف كتاب الحســــــــــــــــاب

واحد ف صفر مــــــــــــــــهوش رقم

ولا عمر فيه ناقصمهاااب

اجمع حبايبك مش غلــــــــــــــــط

دي القسمة والضرب اتلغوا

وجداول العشق انتــــــــــــــــهت

واتغيرت برحيل سعــــــــــــــــاد

قالوا الأصــــــــــــــــول خدوها الوبا

ومعدش فيه غير سبــــــــــــــــسبة

والروح ملئتــــــــــــــــها الكركبة

جفت سرايين الصــــــــــــبا
لما الملايكة استيأسوا جالهم مدد
عدد الشجر والبحر والأتهار مداد
أصل الحـــــــــياة موقف صحيح
أبيض يا أسود ؟ دا الوضوح
متقلش انك ع الحـــــــــياد
مفيش نســــــــور بين السطور
يا تطير وريشك يســــــــعفك
يا تقضي عمــــــــرك يوجعك
الم الهزايم و الكســــــــور
آخر الدروس كمــــــــيا الوطن
حمض المشاعر شوق ووطن
واللي وطن ف القلب حزن

مرسوم ف كل جبين يئن
بركان همــــــــــــــــوم صفحة محن
بين البــــــــــــــــحار والمركبة
فدان فتن
والموج محاوط الأمنــــــــــــــــيات
تفضل وصــــــــــــــــايا المصطبة
ودفاها في عــــــــــــــــيون الولاد
واصل لأحلام البنــــــــــــــــات
العيشة مش بالطبــــــــــــــــطبة
والعلم مش حبة حروف ف الكراسات

الوشوش

مدد مدد مدد مدد مدد مدد

الذكر مليان بالوشوش

الصوت بـعيد

والليل وحيد

البدر مش لاقى السند

والعتمة خائفة من النجوم

والمخبرين متبعـترین

في قلب الربيع بريح سموم

خانقين ف مصارين البلد

والعمر متـغمس هموم

كيف؟ والابالسة الذكر حارسه
بالمداهنة والملاعبة والموالسة
والفلسفة حلق تحوش
متستفه وكتبها شفت الكروش
ومعجزات عسل الهاموش
والطبل بيه ز البلد
والجهل خالق عق لانا
وحالف ي دوم
ومخال بو بتفجر حمم
تاه المدد بين نار ودم
وع قول معبيها العدم
يا صاحبي السجن انهدم
والرؤيا محتاجة البشارة

اخرج عليهم بالقميص

قطعوا صوابعهم ندم

مدد مدد مدد مدد مدد مدد مدد

والليل طويل من غير سـند

والبدر ولو طال الضباب

في موعدو راح يـتولد

عشان تقدر تجيب الغاز
وتحجز كشف لمراتك
هتمشي ف سكة الالغاز
ولا تقولشي بقهر الذل لولادك
انا خايب خلااص معيبيش
عاش الملك طول الحياه
يمسك بسلك الزمبك
ويحرك الكون بالمزاج
يشفي الوجع للمخلصين
الصامتين الساكتين المنصتين
سكت الملك سكت الكلام
وروسنا جالها الارترجاج
ضحك الملك نام الملك

قطر العمر

وأحلامنا ف بحر العمر بتعافر
وتسبقنا خطاويننا علي المكتوب
وتسقط توتة ورا توتة وحدوة
وليالي تفـــــــــــــوت
وقطر زمانا ببسســـــــــافر
نمني قلوبنا باللي جااااي
و يجمــــــــــــعننا أنين النانااي
ما بين الشـــــــــــكوي والأحلام
وصوت الريح بيدبح ف حشا الأيام
وكل سفر ولـــــــــــــو طالت محطاته

مهوش على طوول

ندوب فيها و تكوي القسوة و ذنوبنا

ومراكبنا سايقها قدرنا ومسافر

وأحلامنا اتاريــــــــها

ف بحر العمر بتعافر

يا طالع الشجرة

يا طالع الشجرة
القاش حداك فكرة؟
إني عيش إنسان
بس بضمير شجرة
تطرح غصوني أمان
للي ملوش ستره
وتجود علي العشاق
بالضل والخضرة
وان يوم أذاني الريح
مايكونش ردي صريح

اتحنا بالغفران
ولا اخونش يوم عشرة
علمني كيف اقرا..؟
إن البشر غدار
وانه كثير بيخوون
ويبعتر الأسرار....
ويضن بالفكرة
عمر كش شفت جعان
بعد الحليب والقوت
مهتم بالبقرة....؟
يا عاشق الفكرة..
هات لي جبين بكرا
ويكون ملان أحلام

ولو ف ديناا امل
هنوزعه لعشرة
يا طالع الشجرة...؟
ازرع لنا الأيام...
تطرح نهارنا براح
ويدغدغ الأوجاع
علي سيرة الذكرى
هات لي جواب مكتوب
إن القلوب أرزاق
لو مرة خفنا فراق
هتسعنا نواصيها..
ع الحلوة و المرة
يا طالع الشجرة.....

القاش حداك نمرة..؟

تبدأ بصفر وطن...

والجرح لما وطن

ومراره فينا وطن

صوت الضلال أعمي

جوا الودان بي...طن

إوعاك تقول لأصيل

إن الوطن متهان

وان الحياه سخرة

تاني النمر هتكون

واحد ومش عشرة

تيجي المحن وتروح

ولا تنحني الشجرة

شاورت اليه بالايدي
نطق الوليد عبره
واتهزت العناقيد
مع ضمة العدرا
سقطت رطب سمرا
ويهوذا بالتاكيد
محتاج ضمير شجرة
صلبوه ومش مصلوب
جوا الكتاب تشبيه
بيوضح الفكرة
يا طالع الشجرة
احلب لنا البقرة
انشر لنا الذكري

فوق جبهة الأيام
خللي اللي جاي يقرا
عايز اعيش انسان
بس بضمير شجرة

لمة العيلة

باحن للمة العيلة ف ليالي زمان

وراكية نار تدفي الليل

وتغسل

عظمة الأحزان

وجدي تملي يحكيلنا عن اللمة

ويملا الروح بأشعاره

دفا وأمان

يقول ويعيد

وتحللنا معاه المواعيد

ويلضم متعة المواويل ببلعة شاي

ويتنهد وهو بيوصف أيامهم
وكيف كانت حبيبته بتوعده يشوفها
وهي بتنشر الخلقات
ويشمكها مغطيها
وبينه وبينها ما تعدش
تقوول فـ_____دان
لكن كانت القلوب أقرب من الأبدان
يصب الشاي ويعدل نفسه ع الدكة
ويوصف في وفا اصحابه وخلانه
وكيف كانت لياليهم دفا وأماان
وسهراية علي الترة مع عوضين
ونور البدر بيزغزغ ف أحلامهم
ويسقيها نسيم الصيف

وهما بيحرســــــــــــــــوا الاجران
ولقمة مش تكفيهم وحمـــــــــدينه
وجلابية وشال ابيض تدفيــــــــهم
وكيف اللي قليبوا عمار
يبات بردان
وتحلالنا حكاياته
نقولوا يا سيدي
وحياتك تقول تاني كمان وكمان
يضــــــــــــــــحك جدي ويكركر
وضــــــــــــــــحكه يزين المنظر
وحشني كتير كــــــــــــــــلام جدي
وليل اللمــــــــــــــــة والأفراح
حيطان البيت

ولون الغيــــط
وراديو كبير تلعلع سومة
ويدندن معاها البيــــت
وكيف كان القــــمر علي طول
علي سطوحــــنا
يبات سهران
وانا باكبر
علي الحب اللي مالي البيت
وقلبي ويا مشاعرهم بقي مسنود
واحساسي بقي ونســــان
باحن للمة العيلة
ف ليالي زمان
وصوت جدي وحواديته

وايامنا اللي جرت منا
وضحكة حب تجمعني
مع الخلان
وراكية حب مشاعرهم تدفيني
باحن للمة العيلة
وليالي زمان

الحنين

لما الحنين كره السكـات
و صحي شوق فاق الاحتمال
لملمت كل المفــــــــردات
وسافرت ع الناحية الشمال
دورت في سطور الغــــــــرام
أول كتــــــــاب فوق جلده
عنوان --- هنا لك ذكريات
وفي الهوامش فيه عــــــــيون
بتبعثر الحــــــــلم اللي فات
علي كــــــــــــــــوم ورق

متوزعين بين الـرُفـوف
وفي حضنها حلـم اتسرق
والحبر الاسود كان حـداد
بينزف الأشواق مـداد
الجزر عشق
ونبضي مـد
حبة وجع
وفي قلبها متعبي خوف
نفضت عن روعي الـتـراب
اللي عرف قلب الـكـتـاب
وسد شرايين الـحـروف
وخيطان رماها العنـكبوت
لما الوجع سكن البـيوت

اتحنط القلب في تابــــــــوت
ما بين عيونها ورمشــــــــها
نسج القــــــــمر فستان أمل
بيد غدغ البــــــــحر بأيديه
علي صفحته نصــــــــلي القنوت
أسالها عن عمري اللي فــــــــات
عن عبلة وحكاوي البــــــــنات
عن ليلها والشــــــــوق والسهر
وعيون سعاد
سكر نبــــــــات
لما القمر احمر وشه م الخجل
اتلف في ستاير الخــــــــسوف
غمضت عيني عشان أشوف

ألم الحروف

وملأها من صمت الرفوف

فرقت صفحات الغياب

ورسمت جوا الكراسات

قلبین

وحواليهم دفوف

الحواديت

وكنّا بنسمع الحواديث
عن الواد اللي بقي مسحور
عن الديب اللي ماله امان
عن العفريت اللي مستني
بيقدر نار من النني
بايده يهد اجدع بيت
لا باب يقدر عليه

ولا سور

عن الجاني اللي بقي سجان
و ننداري ف قلب الحيط

تدور الساقية وقلوبنا
بتسبق لفة الدبــــــــــــــــور
راكية نار وبراد شاي
وسهراية وليل بيطول
علي سيرة الهلالي ابوزيد
يقول جابر ..كلام معقول
وصوتو يشق قلب عليل
وكانت كل قصة دليل
وأحلام تسكن التوابيت
بطعم اللمة في الحوانيت
وصوت جوانا زي أدهم
بيشللي جوا مجري الدم
بيان العجز متلـــــــــجم

علي دمعي بيتقـطر
حروف نازلة علي خدي
بتبدر ع الهدوم حنضل
وريح امشير بيتبـعتر
معاه كل اللي متسـطر
وبين الحكي والتهويل
وبين السكر والفوقه
تعسكر بهجة القناديل
وكنا بنسمع ان اللـيل
بتـسكنو امنا الغولة
وكنا بنفـهم الفولة
وصبح الحـكي متبدل
بطعم جديد من الأول

وكل زمان وله حواديث
وكل اوان وله غوله
تملي الطبع يتغلب
وترجع بصمتو الاولي
وكنا بنعشق الحواديث
عن الساحرة اللي جوا البيت
وضوافرها بتشعل نار
بدون كبريت
عن الفارس وست الحسن
خيال شفاف مافهشي عكار
ومراسيل القمر أسرار
ملانه سهر
بتقلب لو يغيب لمرار

كبرنا وشابت الأوكار
بقينا نخـ_____اف
في لحظة نواجه التيار
تعب خيلنا من الرحمة
وقسوه بتركب المشوار
تشوه بهجة الحواديت
ويفضل منها بس قشور
عن الجنية والمسحور
عن الغولة وسنة اولي
عن الجدة وحقاويها
عن الحـ_____ضن اللي هجر البيت

الأحلام

أول سطر ————
في صفحة الأحلام
كانت معبًى ————
ببيجي مليون حرف
اتبعت ————
فوق زحمة الأيام
كانت الأمانى براح
يحكمها نحو وصرف
طلع النهار مقلوب
..قالو نصيب مكتوب
وتاهت المراسيل

ما بين سكك ودروب
وجت ليالي سكوت
بعديها خوف وزحام
مشتبكة الاوجاع
علي جبين الايام
كان الامل مشروع
ولقيتو فجأه حرام
ودموع وراها دموع
القلب مات م الجوع
صوت الضمير بينن
بعد اما كان مسموع
عمر الوليد أسبوع
ومعكراه الأوهام

أول سطور لـيا
كانت أغانيـا
بتزين الأحلام
كانت القلوب حيا
اتحنطت الارواح
وملاها خوف وزحام
ولا عمر قلب وحيد
يقدر براحتو ينام
لما ابتلي يعقوب
جاتلو البشارة منام
ريحة الحبيب تشفي
مهما تطول الايام
أول كتاب للروح

في صدور من قدام
فيه عبارة من حرفين
إن القلوب أرزاق
مهما كتبتوا كلام

مين يعرفه ؟

باعشق من الليل رقتـه
لما تدوب العتمة في خد القمر
تيجي النجوم تبوس عينيه
وتللم الأوجاع وتفرش سحرها
تترجي فيه انه ماينويش السفر
الليل بيعرف سكـته
اللي مخاويه واللي مجافيه
واللي اكتفي بالمبتدأ دا مبتدا
والجملة مش ممكن تكون
من غـير خبر

قلب الليالي ملان حنان
تلاقية ستاير من الأمان
الليل طويل علي المبتلي
واللي يصاحبه هيعرفه
صاحب جدع
عمره ما كان له ف البدع
أو مره انه يبوح ب سر
الليل دجـي
ساعة الضحي لما سجي
كانت الاماني مدبلجة
قبل الكتابة بخطوتين
تبقي الحروف متفرده
متلونة عشان نميزها هجاااا

الليل ساعات يكون دعاء
وساعات وفاء
وساعات وجع
وساعات رجاء
بس الجميل
فيه الثبات علي لون وحيد
والحزن واسع
والعيون فيهم حور
باعشق من الليل ذكريات
ملزومة بنسيم الشبّاب
واللّمة وحنين الصّباح
في الصيف ساعاته قصيرة
الليل حياه

سكرها بيدوب في السهر
انا عمري ما كرهت النهـــــــــار
بس الغرام
مرسوم علي جبين القمر
الليل حيـــــــــــــــــــــــــاه
والعاشقين ما لهم مفر

الصورة

الصورة مغشوشة

وملانة بالتجاعيد

واللقمة مسمومة

متغمزة بـ

قلب الحلا صبار

والعتمة جاية قوام

مع حرقه التنهيد

غاب القمر مخنوق

والصبح مش موجود

متلجمة الأسرار

متلخبطة المواعيد
شريان بينزف خوف
أحلام خنقها خسوف
والشمس هربـانـه
وضحاها جاي مكسوف
خط القلم أوجـاع
حسبـوها ظلم حرووف
يا صورة مـقلوبة
عاكسة دفاها بعـيد
لو كان علي الرسام
كانت عيون الليـل
هتـجـلي وتشووف
خرس القلوب مكتوب..؟

وما تطولوش الايد
شابت نواصي الليل
والذكر رغم الصوت
قلبه فراغ و وحيد
ومشاعر العشاق
باردة في عز الصيف
الحضن ليه مسرووق؟
وملان بطعم الخوف
الصورة منسية
متعلقة ع الحيط
في ركن عتمة بعيد
الوانها بهتانة
وعروقتها شاخت ليه؟

شمع الفرح دبــــــــــــلان
ما عدش ليه بيقــــــــــــيد ؟
سهم الفراغ موجــــــــــــود
في كل قلب وحيــــــــــــد
ولا عدش فيه احســــــــــــاس
والصورة مقلــــــــــــوبة
رغم القسم والوعد وعلامة التوكيد
واللي ملوش محبوب
وجع القلوب مكتــــــــــــوب
ولا دا ملــــــــــــل الارزاق ؟
واللي ملوش محبوب
مرتاح من الأشــــــــــــواق
انا نفسي مرة أتوب

من غير ماكون مشتاق
واقفل عيون القلب
وادوس عليه لو فاق
نار الغرام أصناف
بركان يهد الروح
تشوي الحشا المجروح
واقفلها حــــــــــــــــراااق
وجع القلوب مطلــــــــــــــــوب
دايما من العشاق وقلوبهم مصلوب
ما بين حنين وغــــــــــــــــياب
وبين خصام ووفــــــــــــــــاق
ليلهم مافيهاش ذنوب
وخميرهم معصور

من حُضن ب_____عد فراق
ما بين شفايفو ت_____دوب
حكايات وجع م_____كتوب
متسطرة المواعيد علي الل_____يل
فرحتها زي الط_____ير
لما يطير لبعيد ويعود قوام ملهوف
ويعود كدا مله_____وف
فرحان بنور الع_____يد
وجع القلوب مط_____لوب
مادام م_____يهش فراق
والرزق في المحبوب من أجمل الارزاق

جبین الاحلام

جبین الاحلام وسيرة الحب
والقمرا وسطح البيت
وصوت الست بیســــــــافر
یشق الوحدة جوا القلبــــــــب
ویونس لیالــــــــیها
ویزینها با لــــــــوادیــــــــت
عیون متحکلة أشــــــــواق
تساع الـکون ویسطر بدون أوراق
یتبعتر جفی اتکوم علی روهی
وخلاها بتصرخ مرة وتعــــــــافر

ومرة تلملم الحيرة
يسلمها فراق لفراق
وتفـضل جوا ملامحها
اثار من حـضن كان مسروق
بيتداري يلملم خمر شفايفها
ونشوة عطرها الفواح
ويفرش شعرها أستار
يسابق قلبه لعنيها
وبركان الحياه جواه يديها
وبين خدو وبين فيها
لهيب لو مس حواليتها
صخور صماء هتتحرك
وتلمس مبسمه وتـفوق

طريق العشق زي السحر
لازم له يا صاحبي حجاب
اذا مشيته تكمـل فيه
ملوش مهرب ومتكهرب
تزوغ منه من الشباك
يجيلك ولو قفلت الباب
جبين الاحلام وسيرة الحب
والقـمـرة وسطح البيت
مجـاز مرسل
وساعات الحلم
يتـكـمـل
يتوة ويعاني في الزحمة
بدون رحمة..

يكون احول..
يضيع منه ساعات البيت
ويتنحط جسد أجوف
ويدفن قلبه في التوابيت

كلمة ف ربح كلمة

كلمة في ربح كلمة
وبيان في ظهر بيان
مدبح قصاص مدنة
تايهين بدون عنوان
أبونا جار سيدنا..
وبين إيدى الاتنين
بتوه مواعيدنا
ذادنا وذوانا...
أجراس معاها أذان
في السيدة والدير

كانت الشموع ف ادنا
كل الفرحة كلمة
كل الوجع ضلعة
كل الخاليق ليه؟
غاطسة ومش عايمة
نامت المشاعر كيف؟
وما فيش همم قايمة
اسمي في ريح اسمك
رسمي علي رسمك
في الحزن والأفراح
تقاسمني واقاسمك
اقرأ في سورة ق
واتعشي لو عيش حاف

وارسم علي جبيني
عدرا شبه رسمك
نص الكلام ترانيم
نص الغني لحليم
الفجر بيشـقشق
من بين شفايف الليل
يتحني بـلامـحك
كل الفصول تخاريف
معادلهاش تعريف
غير بس في مواسمك
كلي بدونك ايه ؟
كلك بدوني تيه..
كلمة في ريح كلمة

جملة ماهيش كاملة
الحب مش املاء
قضبان خانقها القطر
نقطة في آخر السطر
اكتب من الأول
مفيش وجع بيدوم
والحزن له آخر
اركب جناح الريح
دا العمر بيسافر
أنا دنيا بتعاافر
تلضم في خيط العمر
صورة في جار صورة
وبنية سنـيورة

وورق ملان تصاوير
ييجي الولد ويقش
وتخلص اللعبة
طوالي بالفورة
همزة بدون معني
و نقطة تفسيرها
له تلتमित معني
صمت القلوب جبار
والحظ لما اختار
غير لنا المعني
كلمة في ريح كلمة
وبيان في ضهر بيان
برج ووراه مدنة

شارع ملان حواديث
شاهدة حيطان البيت
علي وحدة مكتوبة
مش ممكن الألحان
توصل لروح غايبة
في ضلمة التواييت
أصل الحياه كلمة
في البدء كان كلمة
آخر الحياه كلمة
كلمة في ريح كلمة
وزمان في ضهرو زمان
وصبح جاي مولود
من خندق الضلمة

عتمة في ديل عتمة
وقلوبنا تعبـــــــــانة
من الدس والكتمة
مولد وراه خاتمة
جرس حضن ف أدااان
إنسان ف ريح إنسان
اكتب وداع و ارمـــــــــيه
وغير العنـــــــــوان

حلم الجنوبي

حلم الجنوبي كان سنين
مغمسه بطعم الريحان
متبعثره في قلب الغيطان
مسقيه بايديين شقيانين
وماليها دخان الوجع
علي ذكريات
منسية في ضمير الزمان
وصحاب كثير
أصل الجنوبي كان جعد
بين الجنوبي والحنين

مشوار طویل
یحلف علی اللیل بالضحی
والصبح لما بیتولد
تیجی الامانی مفتحة
و ستائر العتمة تطیر...
قلب الجنوبي سبیل
والوافدين أنواع.....
فیهم کثیر شاریین
و قليل الی باع.....
والحر مهما جاع
عمرو ما کان لیه فی الخدع
علی صدر و زارع وردتین
وردة تملي حضانها

بيصبره لما الاماني بتخلله
وساعات حنينه يزلزله
يلقي النصيب
محتاج لحوايت الودع
امل الجنوبي مش رغي
ولا جرح موجوع م البيات
بين السراب والدمع ببيل التراب
والقسوة في عب الرصيف
لما السنين والزحمة يتكاترو عليه
يفضل يعافر في المحن
ومخالب الليل والفتن
شرف الجـنوبي
مستحيل يتبـاع

فيه مفردات زي الحياه
مش خاضعة لقانون الزمن
لون الجــــــــــــنوبي
زي طمي النــــــــــــيل
في عينيه اماااااان
ملضوم نجــــــــــــوم
سارحة في قلب الليل
مات الجنــــــــــــوبي
شايل في خزان الامل
حلّمه الجميــــــــــــل
علشان أصــــــــــــيل
كتب الوصية للجميع
مش ليــــــــــــه

غسلو الرصــــــــيف

سرقوا الرغــــــــيف

وسابو جرح في جتته

الحلم طابع فيـــــــــه

بنات الحور

يا بنات الحور رررر

ماتسيبوا القمر اااا

تدبح سواد الليل

علي روعة المواويل

بعد الضباب ما يزول

نزرع سمانا نوررر

علي ضيها نقراا

في دفاتر. العشاق

وهوامش الشعرا

اقرأ باسم الله

واقلب الصفحات

فوق جبهة الذكري
عايش بدون عنوان
علي هامش الاحزان
مرمي في عب الليل
مستني اشوف بكرا
يا بنات الحور ..
قلبي انا مشغول
جواه مشاعر بيض
لساه علي الفطرة
علي جبين النيل
فرش القمر صورة
لبنية سنيورة
ما بين شفايف الموج

وثرها المفلوج
وشعرها الفدااان
انا ليا كااااام ذكرى....
لسه اكيد فاكرة....
والريح معاندانا
ودفته رايحة
بين صبر ومعافرة
قالو السفر هايطول
قلت الوجع هايذول
والعنة فايئانا
مع ريحة المطراااا
يا بنات الحور....
محتاج لناس تقرا

عن نخلة مشتاقة
ل..لمسة العدرا...
لما ملاحا الخوف
شاورت له كان برهان
من المس والسحرا
عن نور فضل موجود
لما اتولد محمود
شهدت له نار كسري
يابنات الحور ما تسيبوا القمر
تحضن ليالينا
دا الحلم لو لنا
بين اللي كان ماضي
واللي يكون بكر

هتجبل الأيام.. وتتولد فكرة

ماتسيبوا القمر...

وتنحتوا الاحلام

فوق جبهة الشعرااا

سيرة ذاتية

الاسم : هاني ناجح عبد الحليم عبد الحميد

الشهرة : هاني العباسي

المهنة : معلم لغة انجليزية ومترجم

العنوان: المنيا – ديرمواس- مدرسة درمواس الثانوية
للبنات

موبيل: 01111424460

عضو نادي ادب درمواس منذ تأسيسه

محتوى الكتاب

2	بطاقة الكتاب
4	إهداء
5	الليل
9	أنا مش نبى
15	صوان الذكر
20	محطة الأيام
25	ياليل
31	الوشوش
35	عاش الملك
38	قطر العمر
41	يا طالع الشجرة
47	لمة العيلة
52	الحنين
56	الحواديت

61 الأحلام
65 مين يعرفه
69 الصورة
75 جبين الأحلام
79 كلمه ف ريح كلمه
86 حلم الجنوبى
91 بنات الحور
96 سيرة ذاتية
97 محتوى الكتاب